

Fola a puntate

I

Riccu po' un sò, a ricunnoscu ; ma quantunqu mi sò sempre giovanu, essendu nant'a i 35 anni. Ma maf chi voi pensite chi danaru o losa m'imbraminu di scrive 'sta storia. Ohimé ! Forse a criderete fruttu di qualchi pazza fantasia, o di l'ispirazione ammiserita d'un infelice pueta chi tralascia u bon gustu per affullassi a u ventu facile di a moda. Fuss'ella puru stata ! Ma solu u dolore chi m'affanna da quasi 10 anni e mi face oghje amiochjà a Falgina, m' cus-trigne a mette per iscrittu per qual cagione si tarlo 'stu mo turmentatu core. Una sola cosa mi preme : cioè chi 'stu scrittu un sia datu a u publicu tal'a ch'o un sia mortu. Cusi mi juverà di testamentu ; cusi v'ajuterà a crede, cari amici, a a so veracità.

All'epica chi pigliò iniziù a mo infelicità, avia justu compiu i mo studj in medicina. Era a sera di a publica di i risultati, e cum'è di solitu in tal casu, ci truvaimu, einu cun qualchi cumpagni, raggruppati intornu a una putiglia di vinu bonu, a fa gran discursate nant'a a nostra ammissione, i nostri prugetti, e, per falla corta, tutti 'ssi sogni pazzi a i quali a nostra mente dava liberu volu, azzizzata da u spirititu di vinu e u calore. (Eranu a a fine di jurgu, prestu in cor di statina).

O chi serata fatata, chi m'avia più tardi da togliu u gustu di vive cu u so ricordu ! (Mi paria impussibile, indì 'ssu scialu, di duvessi staccà cusi a precipitera. Perciò, mentre l'orchestra sunava e prime note di un slow fra i più melosi, ognunu s'alzò e abbracciò a so' vicina.

Ohimé ! ancu avè mi scappa a risa, risa molle di e mo lagrime, rimentendu 'ssi coppj mischini. Davanti a me Robertu stringhja una rossa languida e sfrisgincata, chi fecia i manganelli secondu u scandi, a occhi chjusti, beata. A cantu scurgia a Risavetta accasciata nant'a a jacca d'un altru cumpagnu. Unu reggendu l'altu si trinnicavanu fiancu senza putè girà. Un n'era più una radumanza di studenti, ma una festa di bambuscioni, si saria dettu un ballu di manechini.

Un fievule gridu di fulore mi fece purtà l'occhi nant'a a mo cumpagna. E allora tale fu u mo sguumentu chi ne fermai seccu, polsu, mentre chi un sensu finora ignotu mi trapassava sin'a l'osse : tinia in braccio una donna giovanissima dai lineamenti cusi belli, regulari e puri, ch'oghje ch'è ognje solu a quelli d'un anghjulu i possu appargunà, da tantu ch'elli fermannu stampati ind'a mo memoria e mo core.

A l'istante fui culpitu, persu d'amore a l'apparsa di quellu visu cusi dolce e suale. "Ujjà ! Signora, chi m'ave calpighjata !" 'Ssa voce oileste rumpi finalmente l'incantesimu e riusciu a balbità, inseroiditu da l'emuzione : "U credu micca di cunnoscevi, nè d'avebbi vista mai a i "P.P." nè indì l'Amphi. Un finite oghje l'esame di medicina ?" Si fece una risetta, chjara e latina. "Aghju compiu appena avà i mo studj di Lettere", disse, e u so surrisu scopri un rannu di dentuoci d'avoriu fini e luocichenti cum'e perle. Bastò 'ssa vista per ammutulimmi di nettu : l'anghju parlava, l'anghju studiava !

Aviamu, senza mancu accorgecine, smessu di ballà ; einu mi cuntintava di fidjalla, mentre ch'ella cuntinava a parllammi. Eranu arrimbati a u bar, e a u lume di i spot, l'arcordi di i so cigli paria ancu più lindu, e li dava un'aria decisiva chi spizzava a malincunia e u misteru di l'ochjioni neri. I guancie eranu pallide, ma du schizzi rossi davannu risaltu a u biancore di u collu graziosu, perfettu. I capelli chi, in'ssa mezza bughjura, parianu ancu più neri e zeppi, ricaddianu in folti ricciuli nant'a e spalle e u vistitu di trimnera ripigliatu solu da un suttilissimu filu biancu chi l'imnariciava a i polsi e a a vite. Cusi fatati eranu u mormu d a so voce, a luce di u so sguardu, ch'un sintiu nunda di ci ch'ella mi disse quella sera. L'incantesimu di 'ss'apparsa operava cun tanta putenza nantu a i mo sensi ch'o persi a nuzione di u tempu e di l'ora chi passava.

Rumpì a magla di l'istante u barman, dendumi una sciac camanata brusca nant'a e spalle : "Aidì ! voi, l'altri si ne sò diggia andati ; sò du' ore ; si chjude". U mo anghjulu, stupitu quant'e me, dede un'oochjada impurita a a sala viota : "Ah Diu !", fece, "ci vole ch'o mi ne scappi". A seguitai fora senza accorgemine. Chjamava un tassì, entri nentru. Scimitu a l'idea di perdela cusi a l'ispenseta, e forse pe u sempre, li presi a manu, ind'a un impettu pazzescu e, da u santavugliu ripigliendu l'abbaghju, "Vi pregu", gridai, "aitemi u vostru nome !".